

宋史

第三
函十冊



宋史卷一百三十六

樂志第八十九

樂十一

樂章六

祀嶽鎮海濱

祀大火

祀大辰

大中祥符五嶽加帝號祭告八首

迎神靜安

鍾石既作俎豆在前雲旗飛揚神光肅然當駕颺歆

來乎青圓言備縟禮享茲吉蠲

冊入門正安節彼喬嶽神明之府秩秩威儀肅肅靈宇懿號克

崇庶物咸覩帝籍升名式綏九土

酌獻東嶽嘉安節彼岱宗有嚴廟貌惟辟奉天依神設教帝典

焜煌嘉薦音淖至靈格思殊祥是效

南嶽作鎮炎夏畜茲靈光敷與萬物既阜既昌爰刻溫玉式薦

徽章昭嘏神意福熙穰穰

西嶽 瞻言太華奠方作鎮典冊是膺等威以峻上公奉儀祀宮
薦信介祉萬邦永配坤順

北嶽 仰止靈嶽鎮于朔方增崇懿號度越彝章祇薦嘉樂式陳
令芳永資純佑國祚蕃昌

中嶽 巖巖神嶽作鎮中央肅奉徽冊尊名孔章聿降飈駕載獻
蘭觴熙事允洽寶祚彌昌

送神靜安 祇薦鴻名寅威明祀有楚之儀如在之祭奠獻既終
禮容克備神鑒孔昭福禧來暨

天安殿冊封五嶽帝一首

冊出入正安 名嶽奠方帝儀克舉吉日惟良九賓咸旅溫玉鏤
文繡裳正二禮備樂成篤神之祐

熙寧望祭嶽鎮海瀆十七首

東望迎神疑安

盛德惟木句芒御神沂岱淮海厥功在民爰熙

壇坎衷對庶神于以歆格靈貽具臻

升降同安

紳韞褱兮玉佩藥兮于我將事神燕喜兮帝命望祀

敢有不共往返于位肅肅雍雍

奠玉幣明安

祀以崇德幣則有儀肅我將事登降孔時精明純

潔罔有弗祇史辭無愧神用來娛

酌獻成安

肇茲東土含潤無疆維時發春嘉薦令芳祭用蕤沈

順性含藏不涸不童誕降祺祥

送神疑安

神之至止熙壇爲春神之將歸旂服振振歆兮回飈

宵兮旋雲祐于東方永施厥仁

南望迎神疑安

嵩嵇衡霍暨厥海江時維長養惠我南邦肆嚴

牲幣神式來降以侑以妥百福是龐

酌獻成安 景風應律朱鳥開辰肅肅明祀嘉籩列陳牲用銓物

樂奏蕤賓克綏永福祐此下民

送神凝安 鼓鍾云云歆管伊伊神既醉飽曰送言歸山有厚藏

水有靈德物其永依往奠炎宅

中望迎神凝安 維土作德維帝御行含養載育萬物以成有嚴

祀典薦我德馨神其歆止永用億寧

酌獻成安 高廣融結實維中央宣氣報功利彼一方坎壇以祀

六樂鏘鏘靈其有喜酌以大璋

送神凝安 言旋其處以奠中域無替厥靈四方是則神永不息

祀永丕愆以享以報于萬斯年

西望迎神凝安 品物順說時司金行于郊迎氣以望庶靈雅歌

維樂主薦惟牲作民之祉永相厥成

酌獻成安 西顙沆碭執矩司秋諏言協靈時祀孔修禮有薦獻
爰視公侯秩而祭之百福是道

送神凝安 我樂我神簋俎腥饗曰神之還西土是宮于蕃禽魚
于衍草木富我藪隰滋我高陸

北望迎神凝安 帝德乘坎時御閉藏爰潔牲醴兆茲北方海山
攸宅神施無疆具享蠲吉降福孔穰

酌獻成安 淒寒凝陰隕籜滌場百物順成黍稷馨香款于北郊
爰因其方何以侑神薦此嘉觴

送神凝安 維山及川奠宅幽方我度其靈降止靡常肅肅坎壇
旣迎旣將促樂徹俎是送是望

紹興祀嶽鎮海瀆四十三首

東方迎神凝安 帝奠九壺孰匪我疆繄我東土山川相望祀事
孔時肅雍不忘業我濛鴻郁哉洋洋

初獻盥洗同安 青陽肇開祀事孔飭鬱人質既其馨苾苾敬爾
威儀亦孔之則神之格思無我有斃

奠玉幣明安 司曆告時惟孟之春爰舉時祀旅于有神鼓鍾既
設珪帛具陳阜蕃庶物以福我民

東嶽位酌獻成安 巖巖天齊自古在昔膚寸之雲四方其澤惟
時東作祀事迺飭惠我無疆恩霑動植

東鎮位 惟山有鎮雄於其方東孰爲雄于沂之疆祀事有時爰
舉舊章我望匪遙庶幾燕饗

東海位 瀕洞鴻濛天與無極導納江漢節宣南北順助其功善
下惟德我祀孔時以介景福

東瀆位 我祀伊何于彼長淮導源桐柏委注蓬萊扞齊護楚宣

威示懷豆籩列陳亦孔之偕

亞終獻酌獻

四位並同

我祀孔肅神其安畱容與裴回若止若浮洽

此重觴申以百羞無我斃遺萬邦之休

送神凝安

蹇兮紛紛神實戾止以飲以食以享以祀呦兮冥冥

神亦歸止以醉以飽以錫爾祉

南方迎神凝安

朱明盛長我祀用飭厥祀伊何山川咸秩如將

見之繩繩齊栗神哉沛兮消搖來格

初獻盥洗升降同安

爰熙嘉壇揭虔毖祀鬱人沃盥贊我裸事

于降于登以作以止莫不肅雍告靈饗矣

奠玉幣明安

我祀我享儀物孔周一純斯舉二精聿修璞兮其

溫絲兮其紉是薦潔蠲神兮安畱

南嶽位酌獻成安

神曰司天居南之衡位焉則帝于以奠方南

訛秩事望禮有常庶幾嘉虞介福無疆

南鎮位

維南有山于彼會稽作鎮在昔神則司之厥有舊典以

祀以時百味維旨靈其燕娛

南海位

維水善下利物曰功逶迤百川誰歟朝宗蕩蕩大受於

禹會同粵蕭列陳以荅鴻濛

南瀆位

四瀆之利經營中國南曰大江險今天設維爾有神隄

其廟食望秩孔時我心翼翼

亞終獻酌獻

神之游兮洋洋對越澹乎容與盼蠻斯荅乃奏既

備八音攸節重觴申陳百禮以洽

送神

曲同迎神

薦徹豆籩熙事備成靈兮將歸羽旄紛紜飄其逝矣

浮空藉雲悵然顧瞻有撫懷心

中央迎神凝安 天作高山屹然中峙經營厥宇萬億咸遂火烈
土王爰舉時祀繩繩宣延仿佛來止

初獻盥洗升降同安 思來感格肅雍不忘禮儀既備濟濟踴躍
潔蠲致敬往薦其芳交若有承神兮孔饗

奠玉幣明安 練日有望高靈來下何以告誠心惟物假有筐斯
實有寶斯藉于以奠之神光燭夜

中嶽位酌獻成安 與天齊極伊嵩之高顯靈效異神休孔昭飭
我祀事實俎鸞膺以侑旨酒其馨有椒

中鎮位 禹畫九州河內曰冀霍山崇崇作鎮積勢我祀如何百
末旨味承神燕娛諸神畢至

亞終獻酌獻 禮樂旣成肅容有常奄畱消搖申畢重觴仰臚所
求降福滂洋師象山則以況皇章

送神

曲同迎神

虞至旦兮靈亦有喜蹇欲驤兮象輿已轡粥音送兮

靈聿歸矣長無極兮錫我以祉

西方迎神疑安

有岌斯安有涵斯洽聿相厥成允祀是荅爰飭

迺奏迺奏既協於昭降止是遵是接

初獻盥洗升降同安

靡實不新靡陳不濯人之弗蠲矧敢將酌

載唏之悅載濡之勺洗儀告備陟降時若

奠玉幣明安

彼林有底彼澤有沈猗與西望弗菲弗淫迺追斯

邸迺幄斯尋卽禮既卒是用是歆

西嶽位酌獻成安

屹削厥方風雲斯所陰邑有宮恤恤候候清

酹在尊靈脊在下于俎獻兮則莫我吐

西鎮位

維吳崇崇于汧之西瞻彼有隴赫赫不迷克禋于嶽我

酌俶齊於凡有旅眡公維躋

西海位 奄浸坤軸滋殖其濊而典斯稽有陞有墮弗替時舉元
斁斯酌胡先于河實委之會

西瀆位 自彼崑虛于以潛流念茲誕潤豈侯不猶在昔中府暨
海聿修迄既望止神保先卣

亞終獻 肅肅其又既旨既溢迨其畢酌偏茲博碩祀事既遂不
敢醉射神或醉止我心斯懌

送神曲同迎神 迺羞既徹迺奏及闕無餽斯俎式聽致謁不蹇不蹶

不沸不決厲魃其祛永庇有徵

北方迎神凝安 我土縣縣孰匪疆理惟時幽都匪曰隄只滌哉
艮月朔風其同曷阻曷深其亦來降

初獻盥洗升降同安 壽宮輝煌聿修時祀續其臨矣吉蠲以埃
居乎昂昂行乎遂遂敬爾攸司展采錯事

奠玉幣明安 相予陰威厥功浩浩一歲之功何以爲報府有珪
幣我其敢私肅肅孔懷于以將之

北嶽位酌獻成安 瞻彼芑芑曰北之常旣高旣厚迺紀迺綱薦
鬯伊始靈示孔將立服鐵駕覽此下方

北鎮位 赫赫作鎮幽朔之垂兼福我民食哉具宐克配彼岳有
嚴等衰蠲我灌禮其敢不祗

北海位 八裔皆水此一會同沄沄天墟洞蕩洪濛至哉維坎不
有斯功所秩伊何黃流在中

北瀆位 水星之精播液發靈不脅于河旣介以清翼翼盟薦椒
醑芬馨載止載畱爰弭翠旌

亞終獻 俎豆紛披金石鯀會侑以貳尊匪瀆匪怠我儀旣周我
心孔戒愴兮容與仿佛如在

送神

曲同迎神

靈旣醉飽禮斯徹兮靈亦樂康樂斯闕兮雲征飈舉

不可尼兮薦福錫祉曷有極兮

淳祐祭海神十六首

迎神始安宮一曲

堪輿之間最鉅惟瀛包乾括坤吐日滔星祀

典載新禮樂孔明鑒吾嘉賴來燕來寧

角一曲

四溟廣矣八紘是紀我宅東南回復萬里洪濤颶風安

危所倚祀事特隆神其戾止

徵一曲

若稽有唐克致崇極祝號旣升爰增祭式從享于郊神

斯受職我祀肇新式祈陰隲

羽一曲

猗與祀禮四海會同靈之來沛鞭霆馭風騰轡仿彿在

位肅雍佑我烝民式徼神功

升降欽安

靈之來至垂慶陰陰靈之已坐飭茲五音壇殿聿嚴

陟降孔欽靈寔安畱鑒我德心

東海位奠玉幣德安 百川所歸天地之左瀕洞鴻濛功高善下行都攸依百祿是荷制幣嘉玉以侑以安

南海位奠玉幣瀛安 祝融之位貴乎三神吞納江漢廣大無垠長爲委輸祐我黎民敬陳明享允鑒恭勤

西海位奠玉幣潤安 蒲昌之澤派引天潢羲娥出入浩渺微茫蓋高斯覆猶隔封疆我思六合肇正吉昌

北海位奠玉幣瀚安 瀚海重潤地紀亦歸吞受百瀆限制北垂一視同仁我心則怡嘉薦玉幣神其格思

奉俎豐安 昭格靈貺祀典肇升牲牷告充雕俎是承薦虔效物省德惟馨靈其有喜萬宇肅澄

東海位奠酌獻熙安 滄溟之德東南具依熬波出素國計攸資

石曰卻敵濟我王師神功錫益昇燕綏

南海位酌獻貴安 南溟綏 旁通百蠻風檣迅疾琛舶來還民

商永賴坐消寇姦薦茲享饗弭矣驚瀾

西海位酌獻類安 積流疏派被于流沙布潤施澤功均邇遐我

秩祀典四海一家祇薦令芳靈其享嘉

北海位酌獻溥安 儻忽會同裴回安畱牲肥酒香晨事聿修惟

德之涼曷奄九州帝命是祇多福自求

亞終獻饗安 鑪豆有楚貳觴斯旅神其醉飽式燕以序百靈祕

怪蜿蜒飛舞錫我祺祥有永終古

送神成安 告靈饗矣錫我嘉祚乾端坤倪開豁呈露玄雲聿收

羣龍咸驚滅除凶災六幕清豫

紹興祀大火十二首

降神高安園鍾爲宮 五緯相天各率其職司禮與視則維熒惑
至陽之精屈我長贏于以求之祀事孔明

黃鍾爲角 有出有藏伏見靡常相我國家鑒觀四方視罔不正
終然允臧其神來格明德馨香

太簇爲徵 小大率禮不愆于儀展采錯事秩祀孔時維今之故
閱我數度修厥典常神其來顧

姑洗爲羽 於赫我宋以火德王永永不圖繫神之相神之來矣
維其時矣禮備樂奏神其知矣

升殿正安 有儼其容有潔其衷屹屹崇壇伊神與迓神兮降格
嘉神之休虔恭降登神乎安畱

熒惑位奠玉幣嘉安 馨香接神盼蠻恍惚求神以誠薦誠以物
有藉斯玉有筐斯幣是用薦陳昭茲精意